

MCA-საქართველოს სამეთვალყურეო საბჭოს სხდომის ოქმი №1

2012 წლის 13 ივნისს, გაიმართა MCA-საქართველოს სამეთვალყურეო საბჭოს სხდომა. სხდომას ესწრებოდნენ:

ნიკა გილაური - სს საპარტნიორო ფონდის აღმასრულებელი დირექტორი, სამეთვალყურეო საბჭოს თავმჯდომარე კონსტანტინე კინწურაშვილი - საქართველოს ფინანსთა მინისტრის მოადგილე ნოდარ სურგულაძე - საქართველოს განათლებისა და მეცნიერების მინისტრის მოადგილე ნატო ჯავახიშვილი - საქართველოს განათლებისა და მეცნიერების სამინისტროს საერთაშორისო ურთიერთობების დეპარტამენტის უფროსი თამარ კოვზირიძე - საქართველოს ფინანსთა მინისტრის მოადგილე, მეორე კომპაქტის ეროვნული კოორდინატორი კახა ბაინდურაშვილი - საქართველოს საგაჭრო-სამრეწველო პალატის თავმჯდომარე

ათასწლეულის გამოწვევის კორპორაციის მხრიდან სხდომას დამკვირვებლების სტატუსით ესწრებოდნენ:

ჯიმ მაკნიკოლასი - ათასწლეულის გამოწვევის კორპორაციის საქართველოს წარმომადგენლობის დირექტორი სონია შარიგიანი - ათასწლეულის გამოწვევის კორპორაციის პროექტების უფროსი ოფიცერი.

სხდომას თავმჯდომარეობდა ნიკა გილაური. სამეთვალყურეო საბჭომ მიიღო შემოთავაზებული დღის წესრიგი (დანართი 1). დღის წესრიგით გათვალისწინებული იყო შემდეგი საკითხები:

- ათასწლეულის გამოწვევის ფონდი - საქართველოს (MCA-Georgia) მენეჯმენტის გუნდის შესარჩევი კომისიის დამტკიცება - საბჭომ ერთხმად დაამტკიცა საჯარო სამართლის იურიდიული პირის - ათასწლეულის გამოწვევის ფონდი - საქართველოს (MCA-Georgia) მენეჯმენტის გუნდის შესარჩევი კომისია (დანართი 2).

2. ათასწლეულის გამოწვევის ფონდი - საქართველოს (MCA-Georgia) ბიუჯეტის დამტკიცება და შესყიდვების გეგმის განხილვა - საბჭომ დაამტკიცა MCA-საქართველოს გარდამავალი პერიოდის ბიუჯეტი 361 601,84 ლარის ოდენობით (დანართი 3). აღნიშნული ბიუჯეტი წარმოადგენს MCA-საქართველოს გარდამავალი პერიოდის ბიუჯეტს, რომელსაც საქართველოს მთავრობა დააფინანსებს 2012 წლის 1 ნოემბრამდე. 1 ნოემბრის შემდეგ, დაფინანსება განხორციელდება ათასწლეულის გამოწვევის კორპორაციის წინასწარი გრანტით, ხოლო მოგვიანებით მეორე კომპაქტით. საბჭოზე განხილულ იქნა შესყიდვების გეგმის პროექტი (2012 წლის 1 სექტემბრიდან - 2013 წლის 28 თებერვლამდე პერიოდისათვის). აღინიშნა, რომ პროცედურის თანახმად, გეგმა საბოლოოდ უნდა დამტკიცდეს MCC-ს მიერ.
3. ინფორმაცია პროფესიული და უმაღლესი განათლების კომპონენტის შეფასების პროცესზე - თამარ კოვზირიძემ სხდომაზე წარმოადგინა ინფორმაცია პროფესიული და უმაღლესი განათლების კომპონენტის შეფასების პროცესთან დაკავშირებით. სხდომაზე აღინიშნა, რომ საქართველოს მხარე ათასწლეულის გამოწვევის კორპორაციისაგან ელოდება თანხმობას პროფესიული და უმაღლესი განათლების შესარჩევი კომისიის წევრების კანდიდატურებზე.
4. პროფესიული და უმაღლესი განათლების კომპონენტის შემფასებელი კომისიის შემადგენლობის დამტკიცება - თამარ კოვზირიძემ კომისიას წარუდგინა შემფასებელი კომისიის წევრობის შერჩეული კანდიდატები და მოახსენა მათი პროფესიული გამოცდილების შესახებ: ერლ კელოგი, როი საუტვორტი, მაურო დე ლორენზო, კლიფ ისააკი, გია ნოდია. ქ-ნ თ. კოვზირიძემ, ასევე მოახსენა საბჭოს შერჩეული კანდიდატების მომსახურების ანაზღაურების შესახებ, კერძოდ, მან აღნიშნა, რომ ბ-ნ ერლ კელოგი არის მიღენიუმის კორპორაციის მიერ დანიშნული კანდიდატი, რომლის მომსახურების ანაზღაურებასაც მოახდენს თავად მიღენიუმის კორპორაცია. რაც შეეხება ბ-ნ გია ნოდიას, ქ-ნ კოვზირიძის ინფორმაციით ის კომისიის წევრობას განახორციელებს საზოგადოებრივ საწყისებზე. დანარჩენი კანდიდატები, ბ-ნ საუტვორტი, დე ლორენზო და ისააკი განახორციელებენ მომსახურებას მოლაპარაკებული ანაზღაურების შესაბამისად.

სხდომაზე ათასწლეულის გამოწვევის კორპორაციის საქართველოს წარმომადგენლობის დირექტორმა ჯიმ მაკნიკოლასმა გამოთქვა მოსაზრება, რომ შესაძლებელია მეორე კომპაქტის ფარგლებში საქართველოსთვის დამატებით გამოიყოს 10-15 მიღიონი აშშ დოლარი. ამასთან დაკავშირებით, საბჭოს წევრებმა გამოთქვეს სურვილი, რომ აღნიშნული თანხის ძირითადი ნაწილი, დაახლოებით 15 მიღიონი აშშ დოლარი მოხმარდეს სტუდენტური საცხოვრებლების მშენებლობას.

სამეთვალყურეო საბჭომ მიიღო გადაწყვეტილება:

1. დამტკიცდეს ათასწლეულის გამოწვევის ფონდი - საქართველოს (MCA-Georgia) მენეჯმენტის გუნდის შესარჩევი კომისიის შემადგენლობა წარმოდგენილი სახით.
2. მოწონებულ იქნეს ათასწლეულის გამოწვევის ფონდი - საქართველოს (MCA-Georgia) გარდამავალი პერიოდის (2012 წლის 1 ნოემბრამდე) ბიუჯეტი წარმოდგენილი სახით. ასევე მოწონებულ იქნას, შესყიდვების გეგმის პროექტი (2012 წლის 1 სექტემბრიდან- 2013 წლის 28 თებერვლამდე პერიოდისათვის).
3. თუ კონკურსში გამარჯვებული საგანმანათლებლო დაწესებულება იქნება რამდენიმე საგანმანათლებლო დაწესებულების გაერთიანება ან კონსორციუმი, მისი როგორც უცხოელი ისე ადგილობრივი პარტნიორები ერთობლივად ჩაერთვებიან შესაბამის მოლაპარაკებებში საქართველოს მთავრობასთან. სხდომაზე ასევე გადაწყდა, რომ აღნიშნული ინფორმაცია ელექტრონულად ეცნობება კონკურსის ყველა მონაწილეს. 2012 წლის 10 აგვისტოსათვის, კონკურსში გამარჯვებული საგანმანათლებლო დაწესებულება შეიძლება მიწვეულ იქნეს ინტერვიუზე. გარდა ამისა, იმ შემთხვევაში, თუ კონკურსში გამარჯვებული საგანმანათლებლო დაწესებულება წარმოადგენს კონსორციუმს, მასში შემავალ თითოეულ საგანმანათლებლო ინსტიტუტში უნდა იყოს გამოყოფილი პირი, რომელიც პასუხისმგებელი იქნება საქართველოში განსახორციელებელ საგანმანათლებლო პროგრამებზე.
4. დამტკიცდეს პროფესიული და უმაღლესი განთლების კომპონენტის შემფასებელი კომისიის წარმოდგენილი შემადგენლობა და განისაზღვროს კომისიის ანაზღაურებადი წევრების მომსახურების ანაზღაურების წყაროდ ათასწლეულის გამოწვევის ფონდი - საქართველოს გარდამავალი პერიოდის ბიჯეტის შესაბამისი მუხლი. (იხ. დანართი 3).




ნიკა გილაური

სს საპარტნიორო ფონდის აღმასრულებელი დირექტორი;
MCA-საქართველოს

სამეთვალყურეო საბჭოს თავმჯდომარე

კონსტანტინე კინწურაშვილი



საქართველოს ფინანსთა მინისტრის მოადგილე

ნოდარ სურგულაძე



საქართველოს განათლებისა და მეცნიერების
მინისტრის მოადგილე

ნატო ჯავახიშვილი



საქართველოს განათლებისა და მეცნიერების სამინისტროს
საერთაშორისო ურთიერთობების დეპარტამენტის უფროსი

თამარ კოვზირიძე



საქართველოს ფინანსთა მინისტრის მოადგილე;
MCC-ის მეორე კომისაჟტის ეროვნული კოორდინატორი

კახა ბაინდურაშვილი



საქართველოს საფარმაციულ-სამრეწველო პალატის თავმჯდომარე